

欽定四庫全書薈要

史部
正史類

吉林出版集團有限責任公司
海 天 出 版 社

者

元·托克托撰

一三六—五八

書名	卷次	頁次	作者
列傳第五七 彭乘 嵇穎 梅摯 司馬池 李及 燕肅 蔣堂 劉夔 馬亮 陳希亮 卷二九九 列傳第五八 狄棐 郎簡 孫祖德 張若谷 石揚休 祖士衡 李垂 張洞 李士衡 李 溥 胡則 薛顏 許元 鍾離瑾 孫冲 崔嶧 田瑜 施昌言 卷三〇〇 列傳第五九 楊偕 王沿 杜杞 楊畋 周 湛 徐的 姚仲孫 陳太素 李虛已 張傳 俞獻卿 陳從易 楊大雅 卷三〇一 列傳第六〇 邊肅 梅詢 馬元方 薛田 寇城 楊日嚴 李行簡 章頻 陳琰 李宥 張秉 張擇行 鄭向 郭稹 趙賀 高覲 袁 抗 徐起 張旨 齊廓 鄭驤 卷三〇二 列傳第六一 王臻 魚周詢 賈黯 李京 呂景初 吳及 范師道 李絢 何中立 沈邈		一三六—七三 一三六—九〇 一三六—一〇八 一三六—一二四	

書名	卷次	頁次	作者
卷三〇三 列傳第六二 張昱之 魏瓘 滕宗諒 李防 趙湘 唐肅 張述 黃震 胡順之 陳貫 范祥 田京 卷三〇四 列傳第六三 周渭 梁鼎 范正辭 劉師道 王濟 方偕 曹穎叔 劉元瑜 楊告 趙及 劉湜 王彬 仲簡 卷三〇五 列傳第六四 楊億 晁迥 劉筠 薛映 卷三〇六 列傳第六五 謝泌 孫何 朱臺符 戚綸 張去華 樂黃目 柴成務 卷三〇七 列傳第六六 喬維岳 張雍 黃儼 魏廷式 盧琰 宋搏 凌策 楊覃 陳世卿 李若拙 陳知微 卷三〇八 列傳第六七 上官正 盧斌 周審玉 裴濟 李繼宣 張旦 張煦 張佶		一三六—一三八 一三六—一五二 一三六—一六七 一三六—一七六 一三六—一九一 一三六—二〇五	

書名	卷次	頁次	作者
卷三〇九 列傳第六八 王延德 常延信 程德玄 王延德 魏震 張質 楊允恭 秦羲 謝德權 閻日新 靳懷德 卷三一〇 列傳第六九 李迪 王曾 張知白 杜衍 卷三一 列傳第七〇 宴殊 龐籍 王隨 章得象 呂夷簡 張士遜 卷三一二 列傳第七一 韓琦 曾公亮 陳升之 吳充 王珪 卷三二三 列傳第七二 富弼 文彥博 卷三二四 列傳第七三 范仲淹 范純仁 卷三一五 列傳第七四 韓億 韓絳 韓維 韓縝		一三六―二二五 一三六―二二七 一三六―二四一 一三六―二五九 一三六―二七七 一三六―二九〇 一三六―三一〇	

書名	卷次	頁次	作者
卷三一六 列傳第七五 包拯 吳奎 趙抃 唐介		一三六—三三二	
卷三一七 列傳第七六 邵亢 馮京 錢惟演		一三六—三三四	
卷三一八 列傳第七七 張方平 王拱辰 張昇 趙鼎 胡宿		一三六—三四八	
卷三一九 列傳第七八 歐陽修 劉敞 曾鞏		一三六—三六一	
卷三二〇 列傳第七九 蔡襄 呂溱 王素 余靖 彭 思永 張存		一三六—三七六	
卷三二一 列傳第八〇 鄭獬 陳襄 錢公輔 孫洙 豐稷 呂誨 劉述 劉琦 錢顗 鄭俠		一三六—三八九	
卷三二二 列傳第八一 何郯 吳中復 陳薦 王獵 孫思恭 周孟陽 齊恢 楊繪 劉庠 朱京		一三六—四〇四	
卷三二三		一三六—四一四	

書名	卷次	頁次	作者
列傳第八二 蔚昭敏 高化 周美 閻守恭 孟元 劉謙 趙振 張忠 范恪 馬懷德 安俊 向寶 卷三二四 列傳第八三 石普 張孜 許懷德 李允則 張亢 劉文質 趙滋 卷三二五 列傳第八四 劉平 任福 卷三二六 列傳第八五 景泰 王信 蔣偕 張忠 郭恩 張岳 張君平 史方 盧鑑 李渭 王果 郭諮 田敏 侍其曙 康德興 張昭遠 卷三二七 列傳第八六 王安石 王安禮 卷三二八 列傳第八七 李清臣 安燾 張璪 蒲宗孟 黃履 蔡挺 王韶 薛向 章粦 卷三二九		一三六—四二五 一三六—四四三 一三六—四五四 一三六—四六八 一三六—四八一 一三六—五〇二	

書名	卷次	頁次	作者
列傳第八八 常秩 鄧綰 李定 舒亶 蹇周輔 徐鐸 王廣淵 王陶 王子韶 何正臣 陳繹 卷三三〇 列傳第八九 任顥 李參 郭申錫 傅求 張景憲 寶卞 張環 孫瑜 許遵 盧士宗 錢象先 韓璠 杜純 杜常 謝麟 王宗望 王吉甫 卷三三一 列傳第九〇 孫長卿 周沆 李中師 羅拯 馬仲甫 王居卿 孫構 張詵 蘇棻 馬從先 沈遘 李大臨 呂夏卿 祖無擇 程師孟 張問 苗時中 韓贄 楚建中 張頴 盧革 卷三三二 列傳第九一 滕元發 李師中 陸詵 趙禹 孫路 游師雄 穆衍 卷三三三 列傳第九二 楊佐 李兌 沈立 張揆 張燾 俞允 劉瑾 閻詢 葛官 張田 榮諲 李載 姚煥 朱景 李琮 朱壽隆 盧士宏 單煦 楊仲元 余良肱 潘夙		一三六—五一五 一三六—五二九 一三六—五四七 一三六—五六一	

書名	卷次	頁次	作者
卷三三四 列傳第九三 徐禧 高永能 沈起 劉彝 熊本 蕭註 陶弼 林廣		一三六—五七五	
卷三三五 列傳第九四 種世衡		一三六—五八八	
卷三三六 列傳第九五 司馬光 呂公著		一三六—五九八	
卷三三七 列傳第九六 范鎮		一三六—六一四	
卷三三八 列傳第九七 蘇軾		一三六—六二六	
卷三三九 列傳第九八 蘇轍		一三六—六三九	
卷三四〇 列傳第九九 呂大防 劉摯 蘇頌		一三六—六五〇	
卷三四一 列傳第一〇〇 王存 孫固 趙瞻 傅堯俞		一三六—六七〇	
卷三四二		一三六—六八〇	

列傳第一〇一 梁燾 王巖叟 鄭雍 孫永	書 名
	卷 次
	頁 次
	作 者

欽定四庫全書薈要

史部
宋史卷二百九十五

詳校官編修臣王天祿

欽定四庫全書薈要卷五千九百二十二 史部

宋史卷二百九十四

元中書右丞相總裁托克托等修

列傳第五十三

掌禹錫

蘇紳

王洙

子欽臣

胥偃

柳植

聶冠卿

馮元

趙師民

張錫

張揆

楊安國

掌禹錫字唐卿許州郾城人進士第為道州司理參

欽定四庫全書

宋史
卷二百九十四

軍試身言書判第一改大理寺丞累遷尚書屯田員外

郎通判并州擢知廬州未行丁度薦為侍御史上疏請

嚴備西羌時議舉兵禹錫引周宣薄伐為得漢武遠討

為失且建畫增步卒省騎兵舊法薦舉邊吏貪贓皆同

坐禹錫奏謂使貪使愚用兵之法也若舉邊吏必兼責

士節則莫敢薦矣材武者孰從而進哉後遂更其法出

提點河東刑獄杜衍薦召試為集賢校理改直集賢院

兼崇文院檢討歷三司度支判官判理欠司同管勾國

予監歷判司農太常寺數考試開封國學進士命題皆奇奧士子憚之目為難題掌公遷光祿卿改直秘閣英宗即位自秘書監遷太子賓客御史劾禹錫老疾不任事帝憐其博學多記令召至中書示以彈文禹錫惶怖自請遂以尚書工部侍郎致仕卒禹錫矜慎畏法居家勤儉至自舉几案嘗預修皇祐方域圖志地理新書奏對帝前王洙推其稽考有勞賜三品服及校正類篇神農本草載藥石之名狀為圖經喜命術自推直生日年

欽定四庫全書

宋史

卷二百九十四

二

庚寅日乙酉時壬午當易之歸妹困震初中末三卦以世應飛伏納五甲行軌析數推之卦得二十五少分三卦合七十五年約半祿秩筭數盡于此矣著郡國手鑑一卷周易集解十卷好儲書所記極博然迂漫不能達其要常乘駑馬衣冠汙垢言語舉止多可笑僚屬或慢侮之過閭巷人指以為戲云

蘇紳字儀甫泉州晉江人進士及第歷宜復安三州推官改大理寺丞母喪寓揚州州將盛度以文學自負見

其文大驚自以為不及由是知名再遷太常博士舉賢良方正科擢尚書祠部員外郎通判洪州徙揚州歸上十議進直史館為開封府推官三司鹽鐵判官時衆星西流并代地大震方春而雷詔求直言紳上疏極言時事安化蠻蒙光月率衆寇宜州敗官軍殺鈐轄張懷志等六人紳上言曰國家比以西北二邊為意而鮮復留意南方故有今日之患誠不可不慮也臣頃從事宜州粗知本末安化地幅員數百里持兵之衆不過三四千人然而敢肆侵擾非特恃其險絕亦由往者守將失計而國家姑息之太過也向聞宜州吏民言祥符中蠻人騷動朝廷興兵討伐是時唯安撫都監馬玉勒兵深入多所殺獲知桂州曹克明害其功累移文止之故玉志不得逞蠻人畏伏其名至今言者猶惜之使當時領兵者皆如玉則蠻當殄滅無今日之患矣至使乘隙蹂邊屠殺將吏其損國威無甚於此朝廷儻不以此時加兵則無以創艾將來而震疊荒裔彼六臣者雖不善為馭

欽定四庫全書

宋史

卷二百九十四

三

自致喪敗然銜冤負耻當有以刷除臣觀蠻情所恃者地形險阨據高臨下大軍難以並進然其壤土磽确資蓄虛乏刀耕火種以為餼糧其勢可以緩圖不可以速取可以計覆不可以力爭今廣東西教閱忠敢澄海湖南北雄武等軍皆慣涉險阻又所習兵器與蠻人畧同請速發詣宜州策應而以他兵代之仍命轉運使備數年軍食今秋冬之交嵐氣已息進軍據其出路轉粟補卒為曠日持久之計伺得便利即圖深入可以傾蕩巢

欽定四庫全書

宋史
卷二百九十四

四

穴杜絕蹊逕縱使奔迸林莽亦且壞其室廬焚其積聚使進無鈔畧之獲退無攻守之備然後諭以國恩許以送款而徙之內郡收其土地募民耕種異時足以拓外夷為屏蔽也仍詔旁近諸蠻諭以朝廷討叛之意毋得相為聲援如獲首級即優償以金帛計若出此則不越一年逆寇必就殄滅況廣西溪峒荆湖川峽蠻落甚多大抵好為騷動因此一役必皆震讙可保數十年無倣擾之虞矣朝廷施用其策遣馮仲巳守桂州經制之蠻

遂平又陳便宜八事一曰重爵賞先王爵以褒德祿以賞功名以定流品位以居才實未有無德而據高爵無功而食厚祿非其人而受美名非其才而在顯位者不妄與人官非惜寵也蓋官非其人則不肖者逞不妄賞人非愛財也蓋賞非其人則徼幸者衆非特如此而已則又敗國傷政納侮詒患上干天氣下戾人心災異既興妖孽乃見故漢世五侯同日封天氣赤黃及丁傳封而其變亦然楊宣以為爵土過制傷亂土氣之祥也二

欽定四庫全書

宋史
卷二百九十四

五

曰慎選擇今內外之臣序年遷改以為官濫而復有論述微効援此希進者朝臣則有升監司使臣則有授橫行不問人材物望可與不可並甄錄之不三數年坐致清顯如此不止則異日必以將相為賞矣三曰明薦舉今有位多援親舊或迫於權貴甚非薦賢助國為官擇人之道若要官闕人宜如祖宗故事取班簿親擇五品以上清望官各令舉一二人述其才能德業陛下與執政大臣參驗而擢之試而有效則先賞舉者否則黜責

之如此則人人得以自勸又選人條約太嚴舊制三人保者得選京官今則五人舊轉運使提點刑獄率當三人今止當一人舊大兩省官歲舉五人今才舉三人升朝官舉三人今則舉一人舊不以在任及所統屬皆得奏舉今則須在任及統屬方許論薦驅馳下僚未免有賢愚同滯之歎也四曰異服章朝班中執技之人與丞郎清望同佩金魚內侍班行與學士同服金帶豈朝廷待賢才加禮遇之意宜加裁定使采章有別則人品定而朝儀正矣五曰適才宜古者自黃散而下及隋之六品唐之五品皆吏部得專去留今審官院流內銓則古之吏部三班院古之兵部不問官職之閑劇才能之長短惟以資歷深淺為先後有司但主簿籍而已欲賢不肖有別不可得也太宗皇帝始用趙普議置考課院以分中書之權今審官是也其職任豈輕也哉宜擇主判官付之以事權責成其選事若以為格例之設久不可遽更或有異才高行許別論奏如寇準判銓薦選人錢

欽定四庫全書

宋史
卷二百九十四

六

若水等三人並遷朝官為直館其非才亦許奏殿如唐盧從愿為吏部非才實者並令罷選十不取一是也六曰擇將帥漢制邊防有警左右之臣皆將帥也唐室文臣自員外郎中以上為刺史團練防禦觀察節度等使皆是養將帥之道豈嘗限以文武比年設武舉所得人不過授以三班官使之監臨欲圖其建功立事何可得也臣僚舉換右職者必人才弓馬兼書算策畧亦責之太備宜使有材武者居統領之任有謀畫者任邊防之寄士若素養之不慮不為用也七曰辨忠邪夫忠賢之嫉姦邪謂之去惡惡不去則害政而傷國姦邪陷忠良謂之蔽明明不蔽則無以稔其惡而肆其毒矣忠邪之端惟人主深辨之自古稱帝之聖者莫如唐堯然而四凶在朝比毀善類好賢之甚者莫如漢文然而絳灌在列不容賢臣願監此而不使譽毀之說得行愛憎之徒逞志則忠賢進而邪慝消矣八曰修預備國家承平天下無事將八十載民食宜足而不足國用宜豐而未豐

欽定四庫全書

宋史
卷二百九十四

七

甚可恠也往者明道初蟲螟水旱幾徧天下始之以饑饉繼之以疾疫民之轉流死亡不可勝數幸而比年稍稔流亡稍復而在位未嘗留意於備預之道莫若安民而厚利富國而足食欲民之安則為之擇守宰明教化欲民之利則必去兼并禁游末恤其疾苦寬其徭役則民安而利矣欲國之富則必崇節儉敦質素蠲浮費欲食之足則省官吏之冗去兵釋之蠹絕奢靡之弊塞凋偽之原則國食足矣民足於下國富於上雖有災沴不足憂也書奏帝嘉納之進史館修撰擢知制誥入翰林為學士再遷尚書禮部郎中王素歐陽修為諫官數言事紳忌之會京師閔雨紳請對言洪範五事言之不從是謂不入厥咎偕厥罰常暘蓋言國之號令不專於上威福之柄或移臣下虛譁憤亂故其咎偕又曰庶位踰節茲謂僭刑賞妄加羣陰不附則陽氣勝故其罰常暘今朝廷號令有不一者庶位有踰節而陵上者刑賞有妄加於下者下人有謀而僭上者此而不思雖禱于上

下神祇殆非天意紳意以指諫官諫官亦言紳舉御史馬端非其人改龍圖閣學士知揚州復為翰林學士史館修撰權判尚書省紳銳於進取善中傷人陰中王德用其疏至有宅枕乾岡貌類藝祖之語帝惡之匿其疏不下遂出紳以吏部郎中改侍讀學士集賢殿修撰知河陽徙河中未行感疾為醫者藥所悞猶力疾咎之已而卒紳博學多知喜言事嘗請罷連日視朝復唐制朔望喚仗入閣間開便殿延對輔臣寬制舉科格以收才傑選命諫員勿侵御史職事趙元昊反請詔邊帥為入討之計且曰以十年防守之費為一歲攻取之資不爾則防守之備不止於十年矣又曰今邊兵止備陝西恐賊出不意窺河東即麟府不可不慮宜稍移兵備之麟延與原州鎮戎軍皆當賊衝而兵屯眾寡不均或寇原州鎮戎軍則鄜延能應援陝西屯卒太多永興為關隴根本而戍者不及三千宜留西戍之兵壯關中形勢緩急便於調發郡縣備盜不謹請增尉員益弓手籍其論

利害甚多紳與梁適同在兩禁人以為險詖故語曰草頭木脚陷人倒卓子頌別有傳

王洙字原叔應天宋城人少聰悟博學記問過人初舉進士與郭稹同保人有告稹冒祖母禪主司欲脫洙連坐之法召謂曰不保可易也洙曰保之不願易遂與稹俱罷再舉中甲科補舒城縣尉坐覆縣民鍾元殺妻不實免官後調富川縣主簿晏殊留守南京厚遇之薦為府學教授召為國子監說書改直講校史記漢書擢史

欽定四庫全書

宋史
卷二百九十四

十一

館檢討同知太常禮院為天章閣侍講專讀寶訓要言於邇英閣累遷太常博士同管勾國子監預修崇文總目成遷尚書工部員外郎修國朝會要加直龍圖閣權同判太常寺坐赴進奏院賽神與女妓雜坐為御史劾奏黜知濠州徙襄州會貝卒叛州郡皆恟恟襄佐史請罷教閱士不聽又請毋給真兵洙曰此正使人不安也命給庫兵教閱如常日人無敢譁者徙徐州時京東饑朝廷議塞商胡賦捷薪輸半而罷塞洙命更其餘為穀

粟誘願輸者以餉流民因募其壯者為兵得千餘人盜賊衰息有司上其最為京東第一徙亳州復為天章閣侍講史館檢討帝將祀明堂宋祁言明堂制度久不講洙有禮學願得同具其儀詔還洙太常再遷兵部員外郎命撰大饗明堂記除史館修撰遷知制誥詔諸儒定雅樂久未決洙與胡瑗更造鐘磬而無形制容受之別皇祐五年有事于南郊勸上用新樂既而議者多非之卒不復用夏竦卒賜諡文獻洙當草制封還其目曰臣下不當與僖祖同諡因言前有司諡王溥為文獻章得象為文憲字雖異而音同皆當改於是太常更諡竦文莊而溥得象皆易諡嘗使契丹至鞞淀契丹令劉六符來伴宴且言耶律防善畫向持禮南朝寫聖容以歸欲持至館中洙曰此非瞻拜之地也六符言恐未得其真欲遣防再往傳繪洙力拒之嘗言天下田稅不均請用郭諮孫琳千步開方法頒州縣以均其稅貴妃張氏薨治喪皇儀殿追冊溫成皇后洙鈎撫非禮陰與內侍石

欽定四庫全書

宋史
卷二百九十四

十一